



Ref: 395/1/B-10/17:الرقم

Mogadishu, 28th November 2017 التاريخ

Ku: Madaxweynaha Jamhuuriyadda Federaalka Soomaaliya Muqdisho.

Ku: R/Wasaaraha Xukuumadda Federaalka Soomaaliya Muqdisho.

Og: Garyaqaanka Guud ee Dawladda. Muqdisho.

Og: Hantidhowraha Guud ee Dawladda. Muqdisho.

Og: Xoghayaha Guud ee Golaha Shacabka L/H. Golaha Shacabka.

Ujeedo: Ansixinta Wasiirka Cusub ee Wasaaradda Gaashaandhigga Mudane Maxamed Mursal Sheekh Cabdiraxmaan


M.ne Madaxweyne;

Waxaan halkan kuugu soo lifaaqay Qaraar Golaha Shacbiga Lam. GSH/B-10/0017/17 ee 27^{ka} Nofeembar 2017 kuna saabsan Ansixinta Wasiirka cusub ee Wasaaradda Gaashaandhigga Mudane Maxamed Mursal Sheekh Cabdiraxmaan.

Waxaan M.ne Madaxweynaha kaa codsanaynaa in go'aanka Golaha ku meelmariso Xeer Madaxweyne kuna soo saaro Faafinta Rasmiga ee Jamhuuriyadda si waafaqsan Qodobka 90 (f) ee Dastuurka Federaalka Soomaaliya oo sida ku-meel-gaarka loo ansixiyey.

Naga guddoon salaan diiran iyo qaddarin gaar ah.

**M. ne Muxammad Sh. Cusmaan Jawaari
Guddoomiyaha Golaha Shacabka Soomaaliya**



MJ/AM



**JUMHUURIYADDA FEDERAALKA
SOOMAALIYA**

GOLAHA SHACABKA SOOMAALIYA

QARAAR KU SAABSAN

**ANSIXINTA WASIIRKA GAASHAANDHIGGA
MUDANE MAXAMED MURSAL SHEEKH
CABDIRAXMAAN**

Muqdisho, 27^{ka} Nofeembar 2017.

Handwritten signature

GOLAHA SHACABKA SOOMAALIYA

Markuu Arkey: Digreetada R/Wasaaraha Xukuumadda Federaalka Lam. XRW/044/11/2017 kuna taariikhsan 18/11/2017 kuna saabsan Magacaabid Wasiirka Gaashaandhigga;

Markuu Arkey: Warqadda R/Wasaaraha Xukuumadda Federaalka Soomaaliya Lam. OPM/1169/11/2017 kuna taariikhsan 26/11/2017 kuna saabsan Dhaarin Wasiirka cusub ee Wasaaradda Gaashaandhigga M.ne Maxamed Mursal Sheekh Cabdiraxmaan;

Saa Daraadeed: Kulankii 17-aad ee 27^{kii} Nofeembar 2017 Guddiga Joogtada Golaha Shacabka waxay Guddomiyeen Qodobbada soo socda:


Qodobka 1aad:

Wuxuu wadar-oggol ku ansixiyey in **Mudane Maxamed Mursal Sheekh Cabdiraxmaan** noqdo **Wasiirka cusub Wasaaradda Gaashaandhigga**.

Qodobka 2aad:

Waxaa Madaxweynaha Jumhuuriyadda Federaalka Soomaaliya laga codsanayaa in uu go'aankan ku meelmariso Xeer Madaxweyne kuna soo saaro Faafinta Rasmiga ee Jumhuuriyadda si waafaqsan Qodobka 90 (f) ee Dastuurka Federaalka Soomaaliya oo sida ku-meel-gaarka loo ansixiyey.


M. ne Muxammad Sh. Cusmaan "Jawaari"
Guddoomiyaha Golaha Shacabka Soomaaliya





(The Government of Federal Republic of Somalia)

Office of the Prime Minister

Ref: OPM/1169 /11/2017

Date: 26/11/2017

Ku: Guddoonnada Labada Aqal ee Baarlamaanka JFS
Og: Madaxweynaha Jamhuuriyadda Federaalka Soomaaliya

=Muqdisho=

=Muqdisho=

Ujeeddo:- Dhaarin Wasiirka Cusub ee Wasaaradda Gaashaandhigga
Mudan Maxamed Mursal Sheekh Cabdiraxmaan

Mudanayaal,

Iyada oo ay Xukuumadda hor-yaallaan, gacantana ku hayso hawlo baaxad leh oo lagu horumarinayo, looguna adeegayo Dalka iyo Dadka Soomaaliyeed, si waafaqsan qorshe hawleedka Barnaamijka Xukuumadda ee la hor-geeyey Golaha Shacabka 29-kii Maarso 2017, Goluhuna siiyey codka kalsoonida, ayaa waxa aan u magacaabay mudane Maxamed Mursal Sheekh Cabdiraxmaan, Wasiirka Wasaaradda Gaashaandhigga.

Sidaa awgeed, Mudaneyaal iyada oo aan ka amba-qaadayo Qodobka 104 ee Dastuurka KMG, ayaa waxa aan idinka codsanayaa in aad Dhaarisaan Wasiirka Cusub ee Wasaaradda Gaashaandhigga Mudane Maxamed Mursal Sheekh Cabdiraxmaan, si uu u guto xilka iyo waajibaadka loo igmaday.

Naga Guddooma Salaan Diirran iyo Qaddarin.


Mudan Xasan Cali Khayre
Ra'iisul Wasaaraha Xukuumadda JFS



BAARLAMAANKA FEDERAALKA SOOMAALIYEED	
XAFIISKA GUDDOOMIYA	
GELID/RECEIVED	
AR: 27-11-17	
IX: 139	
SIXIX: _____	



MAGACA SHARCIGA

DEKREETO

UJEEDDO: - MAGACAABIDDA WASIIRKA GAASHAANDHIGGA


Ra'iisul Wasaaraha Jamhuuriyadda Federaalka Soomaaliya;

- Markuu arkay: Qod. 97^{aad} faqraddiisa 3^{aad} ee Dastuurka KMG.
- Markuu arkay: Qod. 98^{aad} faqraddiisa 2^{aad} Xarfaha A & B ee Dastuurka KMG.
- Markuu arkay: Qod. 100^{aad} Xarfaha A, B & C ee Dastuurka KMG.
- Markuu arkay: Hawlaha baaxadda leh ee horyalla Xukuumadda JFS.
- Markuu tixgeliyey: Talada Madaxweynaha JFS.
- Markuu garowsaday: Baahida loo qabo magacaabidda Wasiirka Gaashaandhigga.

Wuxuu Magacaabay

Qodobka 1^{aad}

Mudane Maxamed Mursal Sheekh Cabdiraxmaan, waxaa loo magacaabay xilka Wasiirka Wasaaradda Gaashaandhigga ee Xukuumadda JFS, laga bilaabo maanta oo ay taariikhdu tahay 22/10/2017.



Qodobka 2^{aad}

- 2- Wasiirka Cusub ee Wasaaradda Gaashaandhigga Xukuumadda JFS, waxa la farayaa in uu si deg deg ah ula wareego xilkiisa.

Qodobka 3^{aad}

- 3- Magacaabiddani waxa ay dhaqan-galaysaa marka uu saxiixo Ra'iisul Wasaaraha Xukuumadda Jamhuuriyadda Federaalka Soomaaliya, waxaana lagu soo saarayaa Faafinta Rasmiga ah ee Jamhuuriyadda Federaalka Soomaaliya.



Demanda
Mudane Xasan Cali Kheyre
Ra'iisul Wasaaraha Xukuumadda JFS